




Piksa 1. Mambu i kisim ples bilong paip long karim wara igo long ol kaikai



National Agricultural Research Institute

## Givim Wara Long Gaden: *Dram Irigesen*



Sapos yu laik save moa long dispela toktok na ol arapela wok bilong NARI, rait i kam long:

Information Centre  
NARI Main Highlands Programme  
Aiyura Valley  
PO Box 384  
KAINANTU  
Eastern Highlands Province

Telephone: (675) 737 3500/ 737 3561  
Facsimile: (675) 737 3516  
Email: narimh@global.net.pg

## LUKAUTIM YU YET LONG TAIM NOGUT

NARI TOKTOK SERIES  
AIY017P

December 2002

## TOK IGO PAS

Wara emi bikpela samting tru i save lukautim laip bilong olgeta manmeri long graun. Long 1997 bikpela san, planti lain i sot long wara na gaden i dai long dispela as.

Bihainim dispela taim drai, NARI i lukluk long ol rot bilong pulim na givim wara long gaden. Em i painim pinis wanpela rot bilong givim wara long gaden we ol i givim nem **Dram Irigesen**.

## DRAM IRIGESEN EM WANEM?

- ◆ Nem **dram** ikam long dram o teng we wara i pulap istap.
- ◆ Hap nem **irigesen** em rot we wara long teng igo kamap long as bilong kaikai insait long graun.
- ◆ Wara long dram o teng i ron long wanpela bikpela paip o mambu igo long ol liklik paip o mambu.
- ◆ Ol dispela liklik paip ken i kisim wara igo long ol liklik sotpela paip i luk olsem pinga.
- ◆ Ol pinga igat liklik hul we wara i pundaun isi isi igo long as bilong ol kaikai istap long graun. Piksa istap long kava.

- ◆ We igat mambu, wara i pundaun long ol liklik hul ol i wokim long sait.

## BILONG WANEM DISPELA I GUTPELA?

- ◆ Yu ken painim dram o teng na ol paip o mambu long ol stoa na bus.
- ◆ Yu ken wokim na lukautim yu yet. Yu no bai kisim ol plama o kain lain olsem.
- ◆ Ino bikpela moni olsem ol sampela rot bilong givim wara.
- ◆ Nogat bikpela masin o pawa long wokim wok.
- ◆ Wara ino lus nating long hap graun ino gat kaikai.
- ◆ Yu ken putim, rausim na karim igo long arapela hap. Ino bilong stap olgeta long wanpela hap tasol.
- ◆ Man, meri na pikinini olgeta i ken yusim.

## BILONG KISIM MOA SAVE

- ◆ Sapos yu ting yu gat sampela save long wokim, painim ol samting long ol hadwe stoa o bus na traim.
- ◆ Tasol sapos yu no kilia, rait i kam long ol lain long NARI Aiyura bai ol i ken givim moa tok-save long rot bilong wokim.